

第三百三十卷

乐府四歌诵一人有庆 窥御宴皇后破玄机
华封三祝愿万寿无疆 赏花灯姮娥露色相

料他要炼神仙体，好会金兰好往来。东西国主微微笑，寿王说道事无难。王姨举动非凡格，可卜飞升指日期。南楚藩君称未必，无非耗费好精神。狄王借问同胞姮，可能尽职可呈祥？武王笑答胎期满，未知临产男和女。回顾蛮王含笑道，令郎小女已归番。妹夫与彼应相左，水陆分途料未逢。闻语静王心大悦，致谢鸾兄楚国王。愚弟因他方挂念，何期令爱肯归来？令妹自今心可慰，弟恰朝京果未逢。语次内厨催启宴，魏王皇子递金杯。交奏管弦真热闹，霓裳彩袖舞当筵。华夷馆内笙歌震，陪宴官员个个忙。款待偏邦诸小国，铺毡结彩斗奢华。各州节度停公馆，不曾入觐未朝参。亲朋戚友难私会，须先祝嘏始堪行。部臣发出银和米，犒赏番疆众甲兵。魏王至晚方归府，内宫来见女多娇。妃子秋徽怀六甲，有身三月觉恹恹。随班强勉朝宫苑，懒茶懒饭懒支持。接见夫郎相借问，外藩闻得俱朝京。相都臣父曾来否？殿下今宵这晚回？魏王含笑回言答，舅王今日已来临。奉旨是孤相接待，酒筵初散始回来。王妃听毕芳心喜，问王臣父既登京。可堪宣召容相会，久别天伦好挂怀。魏王笑答卿何语，未觐天颜怎得来？姨父不曾朝帝后，妃子何须急会亲！王妃闻语无言答，小玉辛苦早安身。次朝又往迎宾馆，半为陪侍半关防。此时各国都齐集，处处笙歌最可观。

天街锦障吴绫卷，御道铺毡结彩飘。贡物梯山航海至，异宝奇珍入禁宫。奉旨关防四大将，子安建业赵将军。把守城池防闹动，金吾巡卫各留心。各国将官遵约束，不容兵士进城池。长安连日多华彩，议放花灯处处忙。内宫传出君王旨，定期初十会诸王。十五重华欣圣寿，准容各国入朝参。旨出外廷人尽喜，六王准备觐天颜。

恰是新春初七日，词谈赶站路中人。桂后恒魁为领袖，引领乔装六七人。渡水登山催骏马，投村借寓歇征鞍。打听诸王诸节度，都过华州已入京。女王心急难延缓，催趲兼程未可挨。此天都抵京都国，胜地皇都自不同。恒魁议对琴仙姐，入城便要觅居停。须谒太师蒋伯父，姐当挈引拜尊亲。琴仙笑答当从命，只恨天街认不明。桂后说声吾引汝，催鞍前进作先行。笑把丝鞭遥指道，各国军营在此屯。众妃都展秋波认，果见营房处处严。虎帐相联数十里，各国兵屯各国旗。低低奏上修仁后，我国君王亦已来。桂后笑言须禁口，莫被兵丁认出人。笑引众人催马过，一行同至凤城来。景象繁华虽热闹，关防巡守有将军。虽无盘诘无拦阻，森森甲士十分严。修仁桂后微微哂，果然天子最多疑。审时度势何须虑，推心置腹又何妨。派甚将军和甲士，果生变乱亦何为！带笑扬鞭先进发，都入皇城转御街。怎见京师春富贵，瑞气祥光起彩云。漫天五色翻红绿，仙韶一派杂笙歌。秦楼酒醉人如玉，楚馆歌残客是仙。沿路再观诸馆驿，都有停骖驻宝车。门前结住层层彩，聒耳笙箫彻御街。女王笑说休留恋，须先拜会访东人。三五良宵堪赏玩，何争顾盼片时辰。众妃好笑都催马，相随同绕凤徽门。直奔宰相皇亲府，金书扁额斗辉煌。女王桂后催盟姐，怎不前行报姓名？小姐琴仙头点点，方始催鞍转上前。相见门官轻拱袖，有劳入禀太师前。可说族中诸子侄，特来拜候请金安。门官闻说忙离位，口称公子示尊名。琴仙笑答何须报，待入中堂自得知。门官不便坚查问，应诺回身入内来。三敲云板忙通报，太师书馆得知闻。心思子侄谁人到，为甚门前不报名？

召入冠鳌亲嘱咐，远房叔伯到来临。我儿可出相迎接，问明事故报吾知。少卿领命披衣报，出来迎接族中人。门官先出门前报，湘都妃后下金鞍。吩咐昭容和内侍，看守行囊马匹多。整衣都进仪门内，琴仙小姐却先行。引入后边七俊士，冠鳌移步下阶迎。照面一观来者客，个个衣装迥出群。颜容似识还非识，难别亲疏远近房。接见欠身含笑道，愚侄频年在帝都。叔伯台前都未晤，乞示分明好候安。小姐琴仙犹未答，修仁桂后上前行。笑牵玉手称贤侄，别后多年认不清。此处堂前人众广，愿借书轩好剖明。少卿不解因何故，口称领教侄当陪。回头遂令随身侍，随来仆从在门前。汝当引入厢房内，马匹行囊带进来。家人答应称身去，冠鳌陪入众郎君。同进书轩方叙坐，琴仙请退众家丁。桂后恒魁离座起，笑唤多才蒋少卿。分枉京师三四载，未改容颜怎不知？念愚祖籍湘都国，取名号作桂恒魁。渭水停舟曾晤面，家国生灾始赶回。此系媚仙愚舍妹，柳氏湘君令母姨。上首绛枝张氏女，下面钱妃号彩春。这边妃子朱奇玉，那边系是令姑娘。未坐美人祁艳雪，随来近侍与昭容。为慕帝都风景好，私离本国改装来。居停未便投庄旅，令姑挈引扰潭衙。令祖令尊无恙否，乞容入内谒尊堂。女王话毕微微笑，冠鳌一听骇然惊。骤经提醒浑如梦，痴忙离位起抬身。欠身启上湘都后，冠鳌斗胆慢威仪。方讶台颜多恍惚，怎知果是凤车来。不曾远接真无礼，女王海量恕愚蒙。可笑姑娘无见爱，不先指示讳堂前。琴仙笑道吾非讳，不知路径怎先来？即今说破何迟缓，汝当入报母知闻。少卿笑答无迎接，须容朝谒再通知。语毕整冠亲设座，女王桂后再三辞。方行常礼都相见，少卿召入两家童。递罢香茶辞入报，女王扯袖再叮咛。本宫贪玩花灯景，不欲招摇泄外人。一切至亲皆不会，贤侄周旋莫露风。冠鳌答应方辞出，忙上堂前报祖亲。恰值舜昭蒋太保，亦在华堂侍父亲。一闻所报微微笑，女王原是好游人。既到须当加礼待，可教汝母出相迎。少卿领命来报，渭君姑媳喜芳心。更衣同出书轩接，殷勤施礼请登堂。让座递茶欢叙别，学堂召出小官人。次第行参都拜见，女王称羨小神童。

公子礼完方告退，琴仙小姐亦抬身。笑道家君离得久，当容先去仰慈颜。桂后恒魁同起位，笑言等候一同行。回顾众妃同去否，湘君小姐却迟疑。启言愚妹应非便，怎谒涓君妹丈前。女王笑答真无谓，既作男儿怎避嫌！地主台前宜进谒，妹怎痴迷礼节疏！上前含笑牵袍袖，湘君无奈亦随行。蒋家姑媳微微笑，陪同在后动金莲。侍儿先出华堂报，太师父子各抬身。行上恒魁南国后，口称伯父别多年。问候有疏常抱歉，今朝冒昧又登门。伯父大人当请上，好容侄女候金安。说毕引同诸姐妹，列开一字要行参。云标相国忙拦阻，启唤多才桂女王。凤辇降临蓬筚幸，失于迎迓罪非轻。那堪再屈威仪重，老夫何地可容身！女王有爱休如此，只行常礼倒安心。立定重重辞再四，女王难强始依从。见罢蒋家父与子，指点祁妃把礼行。方上琴仙蒋小姐，下拜尘埃请父安。太师扶女春风笑，舜昭见妹揖深深。相国命教看客位，让坐湘都后与妃。侍女献茶方退下，云标相国欠身陈。启上女王离果久，传闻善政诵贤王。皆由内助多才后，拓土重开楚国疆。藩君前日刚刚到，不意今朝凤辇来。屈驾必然何贵干，指示分明好奉行。女王笑答真惭愧，一无知识敢言才！得掩盖名皆福庇，岂是恒魁干得来。自知僻外荆蛮地，帝都景象未瞻观。欣逢圣寿重华后，华夷祝嘏庆花灯。侄女恒魁尤渴慕，故引宫中宫眷们。易服改装投贵府，搅扰年兄伯父前。上下人员求掩饰，亲朋之外莫教知。待过元宵三五夕，即整归鞭不敢迟。伯父年兄休见责，恒魁冒昧自羞惭。相国笑言何此语，女王降驾正欢欢。只防儿媳难承值，有疏礼貌望包涵。桂后恒魁称岂敢，太师吩咐舜昭儿。外连戒约家丁等，不准多言泄一人。舜昭领命先辞退，自行叮戒合家人。太师说对贤良媳，女王系是有恩人。汝等尽心休简慢，速沽水洒洗征尘。柳氏夫人连答应，太师笑嘱女娇儿。今宵席散来书馆，盼汝谈心叙少时。琴仙小姐称承命，太师拱对桂恒魁。老夫俗冗难陪侍，当教儿媳代殷勤。女王妃子无嫌弃，多驻宫车要数天。桂后恒魁称扰谢，相国相辞出外轩。查点行囊都送入，昭容内侍见夫人。涓君知是宫中御，殷勤加礼伤人陪。

华堂开启琼筵宴，玉案金交对对分。锦褥芙蓉飞彩凤，流苏彩幔闪珍珠。地铺蜀锦层层衬，天卷吴绫阵阵飘。歌舞一班都召出，涓君小姐作东人。席尊让坐修仁后，左右东西南北妃。东面武英妃子席，西边入坐耿王妃。下席美人祁艳雪，飞仙德玉两昭容。众妃未便身归座，要上筵前请旨行。桂后笑言休此举，今朝不比在王宫。国礼难拘多耳目，一面登筵待甚因！闻语众妃方上席，两旁侍女抱瑶瓶。太保夫人亲定席，少卿诰命送金杯。款待梦邦妃与后，琵琶弦索奏新声。宴散西方红日落，夫人亲自整香围。陪入女王诸姐妹，挑灯夜话煮香茶。女王含笑称年嫂，论来未可住围庭。恒魁现作男装扮，提防有玷嫂芳名。夫人笑答何妨碍，能侍宫车有幸深。小姐琼枝恭进茗，女王笑阻不须劳。琴仙辞别涓君嫂，妹今要出外书轩。老父长兄应久等，谈叙须臾即进来。桂后众妃称请便，夫人忙命掌纱灯。照出琴仙蒋小姐，书轩欢会父和兄。内围姐妹相联聚，欢谈不觉漏声沉。蒋家姑媳方辞退，湘都妃后早安身。次日起来毋庸赘，等候元宵出看灯。

恰好此朝初十日，万国衣冠凛早朝。太平天子登金殿，五凤云中驾六龙。仙韶奏彻云璈乐，御仗招分雉尾摇。文武百官依次进，玉阶拜贺舞朝袍。分班鹄立金銮殿，一朵红云捧玉皇。赞礼传宣诸外镇，金门引入众王侯。皇叔寿王为领袖，楚王斌玉立依肩。十八军州诸节度，朝袍玉佩响珊珊。引上东辽番国主，后边十二小邦君。次上腾先苗国主，后边随着六苗君。又上锦魁蛮国主，郡侯十八后边随。末上耿英狄国主，后边七岛小番君。都着龙袍金灿烂，身摇琼佩玉叮当。宝笏朝天参玉陛，报名报姓叩金阶。方物各申臣子职，就位维恭觐圣颜。龙床大悦皇天子，重重温慰名藩君。朝觐礼成都退出，天子金车始退朝。冠盖回报湘都后，各国今朝已入朝。明宵首庆元宵节，女王尽可出游春。修仁桂后称劳动，本营尚有一情由。天街玩赏知容易，宫苑深沉不得行。近侍衣冠虽已带，奈欠名牌出入难。俗烦贤侄堪与否，找投东厂借名牌。少卿笑道无难事，侄今即去拜冯仁。

借彼腰牌须假姓，屈作寒家叔伯称。女王点首微微笑，少卿遂即入深闺。改换衣冠教备辇，来拜忠贞厂内臣。报入冯仁忙出接，冠鳌相见诉情由。只说寒家伯与叔，刚刚打自故乡来。羨暮皇宫春富贵，情难私入得观瞻。斗胆造衙专见恩，见借名牌十二张。十五夜间容一用，十六交还不敢延。冯仁听罢微微笑，少卿台谕敢推辞？但关内禁皇皇地，咱家责任似非轻。令亲入看情犹可，休将仆从带同行。闻语冠鳌称不敢，冯仁含笑始抬身。取出名牌十二道，交代忠良蒋少卿。说言此辈皆东厂，闲常不入内宫廷。惟在元宵方可入，少卿爱国莫含糊。冠鳌欠体称遵教，接版欢悦告辞回。拱对上公休过虑，舍亲原是有名人。念在此时难细诉，待璧名牌必告明。保无暧昧欺心事，上公安稳不须忧。何况下官家眷等，都在京师敢负恩？惟是舍亲如入禁，上公照拂感难忘。林彪任职穿官职，尚望通知勿阻拦。冯仁含笑称承命，殷勤送出少卿身。登车喝道匆匆去，回衙来见桂恒魁。交代名牌详细诉，女王欢悦谢多劳。入内给交诸姐妹，待期出去看元宵。此际皇都真热闹，上元佳节美春光。太平天子江山定，与民同乐放鳌山。再逢圣寿重华后，分外奢华十二分。偏生连日天晴朗，夜来月色最辉煌。家家箫鼓连宵振，处处笙歌彻夜闻。各国藩王因入觐，都出天街看放灯。魏王殿下亲陪待，俱乘骏马拂丝鞭。侯伯王公皆出玩，诰命夫人驾绣车。蒋衙喜动修仁后，约同姐妹整衣冠。太保夫人亲挽袖，笑言国后早些回。妾料元宵十五夜，女王要入内宫游。今夜预先沽美酒，陪侍谈心饮几杯。桂后恒魁称扰谢，邹英林治备金鞍。引领众娇同上马，出了潭潭宰相衙。六街赏玩花灯妙，联辔欢谈步步迟。指点外城春富贵，灯月交辉杂管弦。湘君问姐皇城内，景象堪期更可观。既来游赏休遗漏，须当挈引莫推辞。女王笑道吾非懒，祝嘏之期引汝观。今宵先看诸藩邸，领略烟光信若何。众妃欢悦同称好，女王催马引同行。但见沿途光灿烂，难辨灯光是月光。华夷会馆浑如锦，高结灯棚近九霄。彩凤腾空光闪耀，神鳌出海影玲珑。祥云拥集乾坤动，彩雾凝成世界红。奢华更有迎宾馆，彩结花灯最可观。

海外四君同在此，分外争奇分外佳。百音沸地声嘹亮，防护重重守彩棚。
桂后恒魁回马退，轻呼众妹莫贪游。此间卫士巡防守，半是湘都我国人。
恐他认得吾们等，走泄风声反不奇。渭君要设元宵宴，率性今宵领彼情。
十五改装当早出，赏心一夜可如何？众女闻言犹则可，蒋家妯娌独踌躇。
恋恋天街心不舍，无奈相随退绣鞍。一行回转皇亲府，夫人盼望已多时。
接见心欢开绮席，礼待湘都掌印人。弦索齐鸣同侑酒，席残不觉月三更。

连日京师非别比，摇红卷绿闹花灯。三千世界笙歌里，十二都城锦绣中。
转瞬此天十五日，上宫太后庆千秋。东方乍动晨光亮，太平天子驾临轩。
八百臣僚朝北阙，三千甲仗拥东阶。丹墀贺罢无疆寿，报名又进众藩君。
龙衣济济参金殿，象笏彬彬拜玉阶。恭祝上宫千万岁，九重天子喜龙颜。
纶音笑赐平身起，舅王姨父众王兄。跋涉关山同到此，朕躬无以可为欢。
和卿愿乐杯中酒，尽醉谈心礼莫拘。各国藩王呼万岁，武王斌玉又行参。
奏道远臣沾圣宠，国母纶恩受最多。臣妻桂氏尤蒙爱，得附坤宫贵主荣。
今日重华欣圣寿，臣妻弗获入京师。依恋之忱长在念，驾前未上万年杯。
远臣借在坤宫爱，愿上南山寿一杯。求恩代请重华旨，可准微臣一捧觞？
君王闻奏微微笑，舅王所请果然真。皇姪恒魁曾入继，自然卿是国家亲。
况有梦楨皇姐丈，寿王皇叔属天潢。待朕少时为奏请，必诏众卿入看灯。
闻旨武王欢谢圣，九重赐宴启琼筵。传宴中使宣歌舞，凤管鸾笙奏御阶。
大宴外藩诸国戚，文臣武将各官员。魏王把盏相陪饮，群僚领宴沐天恩。
三爵已成都谢圣，金阶御乐奏钧天。君王要上重华殿，队队朝官出午门。
朝堂天子方回辇，诰命夫人已入宫。百队红妆朝国后，千行罗绮贺中宫。
绣蟒锦裙金灿烂，琼绦瑶佩玉叮当。齐声请旨昭阳后，愿随凤辇贺重华。
娘娘准奏微微笑，两院皇妃叫备车。正宫仪仗方开展，簇拥娘娘出翠华。
随带王妃桓郡主，皇封诰命国夫人。恰似群仙朝北极，碾破苍苔绿径痕。
重华宫内多华彩，太后娘娘已整妆。御点用完更服色，凤车先降玉清宫。

上烛宫娥垂彩袖，捧香近侍挂蓝袍。重华国母参神圣，焚香祷祝国家安。乐停礼毕回銮驾，内殿更衣歇少时。司官官临行参奏，上皇妃后共来临。请旨成班容入贺，娘娘升座好传宣。太后心欢头点点，即令传车出殿延。重华圣母升龙座，御乐仙音次第吹。招开宫扇飞龙凤，摇金曳玉列分行。宫前车驾经停歇，上皇得旨已离车。后边引着仁祥后，东西两院太皇妃。内侍宫娥相簇拥，盏盏珠灯引进来。丹墀同祝无疆寿，琼佩铿锵拜玉阶。左右内官双赞礼，太后娘娘笑满颜。赐座仁祥君与后，帘前交椅赐皇妃。钦赐点心茶一道，纷纷又报降金车。九重天子方朝退，亲入重华拜寿辰。随驾寿王皇叔父，魏王御弟李承谟。恭贺千秋皇祖母，龙衣拂地奏笙箫。大悦龙床祖太后，懿旨亲传叫免参。少年天子方回步，引领亲王贺上皇。贺毕仁祥皇母后，纶音赐座九重君。抱上碧珍皇贵主，青宫太子小储君。玉锁金冠容俊采，锦裙宝带绣龙袍。参贺仁慈无限喜，重重赏赐宝和珍。姑侄双双方退下，传奏昭阳贺寿临。寿魏二王辞驾退，侍臣传旨召中宫。皇后毓钗离宝辇，引同表妹魏王妃。两宫妃子鹄行列，九队昭仪雁翅分。朵朵名花参圣母，行行锦绣祝遐龄。赞礼昭容钦赐免，昭阳皇后始回身。朝贺上皇皇国母，廷参又谒少年君。太后龙床颜色喜，旨教内待设金交。赐坐赐茶孙媳妇，笑开御口叫皇儿。本宫不为残年喜，最喜今朝家月圆。皇孙孙媳都团聚，可解从前离加愁。又恨美中犹不足，两宫爱女女娇孙。随夫都作天涯客，贺表虽来见面难。太后语间长叹息，上皇含笑欠身陈。母后不消为彼叹，从来女子俱离亲。况且随夫皆得所，足慰仁慈母后心。太后蹙眉犹未语，仁祥恒后启朱唇。奏道梦赉大駝马，闻侍苗王已入京。料得朝堂朝觐后，必入宫中候圣安。天子起身含笑奏，六王今日已朝参。楚王正欲求恩旨，要谒慈颜捧寿杯。臣孙为想屏藩者，未请恩纶故未从。蒋后喜言何要紧，海外诸君汗马臣。本宫昔侍张皇后，广陵营内俱曾逢。楚王已属皇朝威，静王又是国家亲。俱堪召见无妨碍，官家未可拒功臣。帝听欠身称领旨，容臣今晚即宣传。皇后毓钗离位起，奏称尚有众夫人。

刻随臣媳来朝贺，都在宫前候旨宣。太后即教刘福监，隔帘召见国夫人。珠冠玉带鸣环佩，绣蟒官袍馥麝兰。凭夫品级分班立，舞蹈扬尘报姓名。恭贺上宫祖太后，次贺仁祥后与君。再谒至尊罗国后，朝参太子与韩王。护驾侍臣同叫免，蒋后欢欢降御音。今日本宫逢母难，原无可贺错劳卿。所喜良辰当令节，愿与夫人醉一杯。却恨本宫年纪老，不能久坐失追陪。魏王妃子今何在，可上前来见本宫。下面应声臣在此，秋徽郡主上丹墀。膝前朝拜称传谕，蒋后心欢扯玉尖。说道往常诸诰命，入朝领宴在昭阳。今朝皇后难双顾，孙媳休辞代任劳。可教赐宴春晖殿，照前仪礼不当轻。王妃答应称遵旨，退下金阶出绣帘。引出皇封诸诰命，春晖殿上启琼筵。歌舞吹弹恩赐宴，共祝仁慈万万秋。席撤谢恩都退出，重华宝殿已开筵。上皇奉母归尊位，领孙引子进金杯。鸾笙象管声声奏，凤转鸾翔款款飞。九重富贵春如海，同醉升平万寿杯。上宫国母多欢悦，颂传懿旨叫皇孙。今朝系是元宵节，官家还要上朝堂。不消在此多留恋，早散华宴养养神。本宫今夜还开宴，可诏诸王入看灯。帝听起身连答应，仁慈传旨撤琼筵。百万金钱颁赏赐，撤退梨园奉御人。龙车凤辇同开设，上皇恒后告辞回。奏称母后应劳倦，须当歇息保精神。臣今暂退今宵至，愿博慈怀尽夜欢。太后笑颜频点首，君王送父上銮车。仁祥妃后方登辇，乐奏笙箫出上宫。这边方退皇天子，昭阳皇后两皇妃。储君贵主王妃子，次第宫车俱散回。此日上元严典制，天子临轩正礼仪。宫闱热闹非常比，院院笙歌杂管弦。宗王府第多华彩，黄昏到处放花灯。魏王要赴宫中宴，府内先开玳瑁筵。宰相衙中灯灿烂，华夷馆内动笙歌。文武百官逢令节，家家罗绮斗繁华。打点晚朝须应召，谁不张灯预设筵。国家有道添祥瑞，月色今宵分外明。金吾驰禁元宵夜，军民同乐喜春风。中使已传天子旨，御筵设在御灯楼。各国晚朝成礼后，准入朝参太后尊。出来赐领花灯宴，随驾承欢悦上皇。群臣得旨难延缓，传车传马乱纷纷。

蒋家喜动乔装客，人人启镜整衣巾。柳氏夫人含笑问，女王闻欲入宫游。名牌既已都随带，怎地衣装不换更？桂后笑言嫂不晓，入官方用内官衣。出来要玩天街景，中使衣冠怎便行！自合儒衣穿在内，外边方可盖他衣。太保夫人称有理，女王姐妹已更装。外盖宫官衣与帽，用完美点与香茶。府前开炮如蜂乱，太师父子已趋朝。飞仙催促修仁后，东方月上已多时。名国藩君应入覲，娘娘不去更何时？女王含笑抬身起，上前作别柳夫人。次第阶前都上马，鞭敲金镫出衙门。眼前但见辉煌亮，难辨灯光星月光。珠缨密密人声涌，锦绣重重马足忙。光摇五色琉璃洞，火耀周围玛瑙城。绝胜千层云母塔，又如万座水晶宫。再听笙箫吟处处，彩棚高塔灿云霞。龙亭金字千秋庆，妙乐仙音接续吟。满目烟光迷去路，又闻开道响金锣。来了文臣和武将，鱼轩骏马拥千行。队队旗开全执事，俱赴朝房要面君。女王未便冲他道，勒开宝马入胡同。一行姐妹都随后，湘君不解问恒魁。为何不走先前路，此间灯火逊长街。女王含笑低低答，天街闹市忒多人。文武入朝车马拥，我们不便对他争。倘然让路多停缓，只恐诸王已进宫。不若此间尤捷路，须图先入内城门。妹们要看何争缓，少顷回来细赏心。湘君点首方知道，女王催马已加鞭。穿透胡同投左近，匆匆都入凤徽门。耳闻后面笙箫振，马蹄无数响銮铃。姐妹回头同盼望，玉辂金根阵阵来。扶车都是蓝袍监，护辇全然佩剑官。交舞绣旗书国号，顺义番君忠武王。忠静二王随在后，尚有南屏信远王。北狄番王车又到，寿王随伴亦来临。交耀珠灯如朗月，如潮似水涌滔滔。桂后恒魁心下急，引同鞍马赶先行。绕过御灯楼一座，禁宫门口在跟前。知会众人同下马，都将彩辔系槐枝。整顿衣冠方举步，宫前来见守宫臣。此际林彪天子宠，总防宫禁有威权。已受冯仁言语嘱，皇亲亲眷要观灯。今闻请见知他到，出来要认是何人。却见一群十一二，蓝袍花帽俱宫官。人人俊采颜如玉，个个丰神貌似仙。灯光照出芳颜色，衣饰虽非貌未更。分明认得勤王帅，好生不解好迟疑。女王猜得林彪意，上前挽手笑开言。何事公公生此态，莫非尚不认咱们？

俺系关防东厂监，俱有名牌作证明。本厂上公随圣驾，咱们须人要跟随。林彪再听声音熟，喝退随身左右人。笑问女王称得罪，鱼龙交紊辨难明。何日入京何处歇，后边委实是何人？仁慈正在天天念，何不声明入面参？九重岂撇椒房爱，这等衣冠似褻尊。女王被问难遮掩，错中就错叫公公。机关既泄难蒙汝，要恳高情代一瞒。祈念此身终岁苦，不曾作乐与追欢。喜逢圣母千秋庆，渴慕慈颜欠未瞻。非不分明求进谒，仁慈过爱必坚留。本国无人为治政，怎露恒魁亦入京？只宜消消更装扮，一赏烟光即赶回。上公深晓吾心绪，无甚生端不用疑。听毕林彪称不敢，咱家并非起疑心。乞念司官咱责任，怎免多言渎座前。女王要看当从便，咱家决不露风声。女王大悦连称谢，林彪即召小黄门。取出巡查灯数盏，给交东厂假官官。两边会意无言语，放入乔装一队人。都打宫灯光闪闪，穿进龙楼凤阙门。合宫烟篆凝红雾，到处祥光结紫霞。左侧吴歌吟雅韵，左右楚舞软纤腰。碧瓦朱甍真富丽，湘帘绣幕斗新妍。直将一座皇官苑，换作玲珑世界明。任教练性修真客，到此场中意亦迷。沿途不绝鸣丝竹，彩女宫官去又来。湘都姐妹无拦阻，赏玩奇灯任意游。恰借巡查为字号，步步观瞻步步迟。先进隆仁崇德殿，回身又访建章宫。通明宝殿多仙仗，凤葆龙旗对对分。鹤立无声应候驾，料定君王要出朝。来访奉先天教殿，一行穿过丽春宫。瑞怡宫苑东宫院，又玩西宫南北宫。院院龙膏摇夜月，宫宫凤烛斗明星。门前都有宫车候，绮罗彩女拥成行。女王笑道时将到，各宫料欲谒仁慈。快些寻访昭阳殿，领略中宫甚异灯。媚仙笑答须吾引，昭阳路径我深知。话完越队先行去，领齐同进总宫门。前边果属昭阳院，正宫气象最端严。复道长廊围宝殿，金镶玉嵌映瑶宫。万花斗艳迎春色，都向中宫朵朵芳。摇枝软叶芙蓉态，转绿翻红笑牡丹。傲雪梅花偏向艳，经霜松柏亦芬芳。绿荷经水今临火，红杏迎风都带烟。多子石榴能结蕊，有情枫叶不开花。百媚千娇知芍药，玉质冰肤羨水仙。耀眼幽芳皆上品，独怜有色未闻香。众娇细看微微笑，却听笙箫奏管弦。押队彩妃缠绣帕，站班内侍展蓝巾。

总宫入奏诸妃嫔，都至朝参乞旨宣。宫娥入请娘娘旨，恒魁唤妹不宜迟。甥女毓钗将出殿，我们回避莫冲他。姐妹相随同退出，宫前果见拥如潮。七宝香车停列满，都是承恩妃子们。等候娘娘宣召旨，珠灯交拥挤难开。女王却借巡查紧，退出昭阳去似飞。来看祥禧毓庆苑，转入修文步月宫。两郎虽有奇灯仙，究竟中间欠主人。歌管无声多肃静，立教词坛自不同。感切修文三学士，面面相观各叹嗟。都言此地睽违久，气象依然景不同。今宵一面承恩地，应知永断再来期。桂后恒魁回首盼，含笑低低叫媚仙。别人感叹情中理，汝亦生情似未然。告病本章曾不久，在京何异已归藩。不须这等虚装作，随众吁嗟厌煞人。媚仙羞答休胡说，甩开玉手却先行。众人好笑都随后，赏心又过锦华宫。看罢花灯锦彩苑，前面仁祥太子宫。执事内官分济济，传宣女御列彬彬。圣德光昭金烂漫，麒麟献瑞舞彤庭。獬豸无私能斥佞，金狮有意助君威。多谋狡兔苔三窟，巨滑仙猿盗一桃。左有狻猊游巨岭，右存猛虎舞南山。白泽青牛翻辗转，山熊巨象两盘旋。锦豹扬威摇赤尾，金龙得水舞长须。一派灯光光夺目，恍疑身在锦灯城。细细赏观犹未已，聒耳笙歌阵阵来。飞报上皇朝母退，回宫少歇要临轩。龙凤绣旗飞闪闪，云霓宫扇展层层。女王说道休冲驾，要观美景是重华。可料六王来祝嘏，定必朝参总入宫。与妹先行休落后，认认重华太后尊。言完遂引同群客，走穿金雀耿妃宫。又过杜妃仪凤苑，正逢天子九重车。朝罢仁慈皇祖母，让父先行始出来。朝堂要会文和武，招展銮仪蔽地来。乔装姐妹难冲犯，让过銮车又缓行。来到重华太后处，洞启重门透殿庭。万炬光辉千百盏，彩凤来仪祝寿绵。孔雀丹山舒五彩，锦鸡斗色展云霞。仙鹤年年添寿筭，彩鸾岁岁献祯祥。才见黄鹂鸣翠柳，又观鸛鹄隐沙汀。乌鹊填桥经报喜，要鹄无烦迫整妆。桑柘鹁鸱摇火焰，金鸡绛帻请临朝。看毕宫前灯景妙，潜身都进殿中来。等候藩君来献寿，暂时敛迹两宫廊。此时外面通明殿，晚朝天子已临轩。却奉上皇同御极，仙音袅袅奏丹墀。甲仗三千摇宝佩，衣冠八百凛朝仪。国戚皇亲分雁翅，公卿侯爵列鹄行。

各国藩王承召入，再瞻天表拜金阶。上皇喜动龙颜悦，旨赐平身外国臣。劳慰静王卿与朕，别离最久好牵怀。年来足痴平安否，朕见今朝不似前。静王拜倒丹墀奏，上皇福庇远方臣。海外得延医国手，代除足疾已全痊。奉命出师无复命，反受天恩愧怎安？上皇喜色呼卿起，又问东床坦腹郎。艳珍归去应无恙，卿何犹来谒仁祥？德武奏称臣入觐，未叩重华始展延。上皇笑道今皆华，明朝便可入朝参。朕料诸王非易至，俱有亲朋在此间。来朝事定无妨碍，官家当准访私亲。帝闻欠体称遵旨，纶音笑唤众藩王。朕已代卿求圣母，仁慈批准入观灯。今教御弟相招引，卿谒重华走一遭。朕奏上皇难久待，即今先上御灯楼。专等诸卿朝退出，同倾杯酒醉花灯。皇子魏王欢奉旨，六王大悦谢君恩。辞驾入宫朝太后，宫娥对对展珠灯。先教请旨重华殿，引入边藩保国臣。天子方教看御辇，启请仁祥太上皇。同上銮车吟百乐，群臣随拥出金门。火树银花千万朵，照彻通衢道路明。九重天子多仁孝，承欢奉父御灯楼。千骑锦衣环护卫，两行鹓鹭侍鸾舆。上皇喜色传恩旨，赐座诸多文武臣。御酒琼筵新撤下，钦赐随车外国人。使臣赍出城门外，各营将士叩天恩。御楼犹未开琼宴，六国藩君已进宫。天威咫尺官仪重，瞻仰皇宫气象严。重华已有人传奏，国母娘娘大喜欢。命驾凤车亲出殿，召见忠贞保障臣。内侍传宣成对立，昭容赞礼两分班。先入魏王为领袖，锦绣帘前省晚安。退立左阶聆懿旨，宫灯照入众藩君。一色龙袍飞五爪，两枝雉尾挺双招。推下金山倒玉柱，同申嵩祝拜金阶。左右昭容双赐免，仁慈有召楚藩王。武王来至珠帘外，又下廷参跪御墀。上宫太后慈颜笑，口唤皇亲可起身。本宫特召非他故，为问贤卿内助人。女王别后应无恙，藩疆丰歉可如何？本宫今日能安坐，亏他苦力定山河。何时盼彼来宫阙，一天聚首亦甘心。武王启奏仁慈福，庇臣家国俱来安。臣妻日诵仁慈德，正恨无能少奉欢。愿祝上宫松柏寿，恒魁有日拜宫闱。仁慈又问诸妃子，查询孙女可呈祥？武王奏对多明晰，太后传宣四国王。东西南北诸番主，承恩都上绣帘前。重华太后多温慰，方召南屏信远王。

德武廷参尊圣母，太后重重问女孙。怜他化外长分散，驸马多情要护持。德武奏称臣领旨，太后传教两侍臣。看座诸王先赐茗，御厨速命整琼筵。两两内官方答应，魏王忙上奏端详。皇妃已启元宵宴，御灯楼上候多进。祖母不消重赐宴，当赐诸王早出宫。太后笑言如此妙，宫奴可上列金交。诸王要赴花灯宴，此间用点最相宜。奉御官官承旨去，各国藩王叩谢恩。魏王引至春晖殿，侍臣进点沏宫茶。礼待忠良诸国主，新声细乐奏琵琶。御点用完都起位，谢恩方始出重华。同上御楼随圣驾，承恩领宴赏花灯。太后始教宫侍等，分头宣召各宫妃。车辂辚辚人俱到，锦簇花攒队队齐。须臾又到诸宗室，郡君郡主与王妃。次第行参祖太后，加恩都赐雀芽茶。花灯绛烛新更换，宝鼎重添百合香。御筵初启笙箫奏，玉案金交对对分。太后娘娘居道席，次席仁祥执政尊。第三定席昭阳后，东西列坐上皇妃。两边俱是皇妃子，静英丽玉二娇娥。左面王妃恒郡主，宗王妃子宪王妃。右连系属宗藩女，县君官主贵千秋。三队昭仪方入席，六宫御嫔喜沾恩。绣幕乍开飞彩凤，珠帘高卷映祥云。百音迭奏阳春乐，花冠彩女进金瓶。恒后琼卿先起位，引齐皇媳众王妃。圣母驾前同进酒，恭祝冈陵万寿绵。太后笑言休此举，好归本位好看灯。妃后沐恩重入席，宫官两两进珍馐。皇家富贵神仙府，合殿香风送紫云。半席却闻传懿旨，要观花炮歇笙歌。百丈琅玕缠彩架，无情烟火起层霄。才观桃杏芳菲妙，又见双龙滚水飞。蛱蝶穿花明对对，仙猿盗果急忙忙。王母乘鸾欣圣寿，寿星跨鹤祝遐龄。霹雳声高星火灿，上官恩赏撒金钱。宫廊喜动乔装客，注目凝观快赏心。不觉此身原假扮，越行越近玉栏前。殿中庆贺皇家宴，别人却亦未留心。皇后毓钗回俊眼，栏边瞥见一群人。蓝袍花帽宫中扮，手内都提夜哨灯。举止不凡非下品，笑谈自若目无人。丰神潇洒都飘逸，有已相逢有未逢。当前两个尤奇异，好生面善记难明。秋波不住频频盼，玉手停杯已出神。女王果是聪明女，虽观花炮暗关心。芳心猜出昭阳后，私把葱纤扯众人。轻言乐事难容尽，快些出去莫留停。闻语众娇都不解，兀自迟留懒转身。

女王已换巡查烛，力催姐妹出宫廷。灯光朗照匆匆去，昭阳皇后更生疑。心思此辈行藏异，若没晓蹊怎避人？意欲但询因侍宴，提防圣母责多疑。沉吟密召随车监，嘱言刻者一行人。衣装都是宫中式，俱有巡查一盏灯。容颜俊采非凡辈，举动飘然岂下人。彼见本宫详细盼，遂即行开不少留。汝今火速随他去，看他是否出宫廷。即传旨谕林彪监，教他明早入昭阳。王成答应忙忙去，果然追上刻间人。见他已至宫门口，相见林彪老内臣。交代宫灯十二盏，告辞都出禁宫门。王成眼见微微笑，方上前来问甚人。林彪笑答咱同伴，东厂冯仁管下人。公公汝侍昭阳后，怎得偷闲到此来？王成笑道娘娘旨，正为他们好动疑。预召上公明日早，入谒娘娘有问词。林彪闻语心明白，暗羡昭阳眼果明。回答咱家遵懿旨，明朝领旨谒娘娘。王成方始回身去，复旨中宫掌印人。皇后毓钗头点点，侍臣进酒又抡杯。重华歌舞何曾歇，乔装内监已离宫。依前都支槐枝下，解落丝缰整绣鞍。湘君埋怨恒魁姐，看犹未饱迫人回。女王问妹真居梦，全无顾后与观前。可曾知否昭阳后，一双俊眼不回波。料他伶俐聪明女，必然已破我机关。提防召见难敷衍，不避身开更甚时？湘君笑答原来此，妹为观类未得知。语次邹林双近侍，上前请旨解衣包。此间禁地行人少，娘娘妃子快更衣。恒魁姐妹都称是，各除花帽顶生巾。脱去外衣缠锦带，一齐收叠入包中。交会邹英收捧好，扳鞍都上马龙麟。对议金车犹未退，顺途再看御楼灯。姐妹同声称奉命，一同催马出皇街。祥光瑞气凝千丈，彩雾红霞结百重。怎见花灯真热闹，串就新歌细表明。

赏花灯，是木樨，彩辇斜蹄转御街。满天星斗灯烂灿，五彩辉煌百合齐。歌盛世，鹊桥仙，良宵美景杏花天。皇都今夜春光好，晚朝天子会群仙。赏花灯，是牡丹，何分天竹与人间。五凤云中番茉莉，六鳌海上驾上丹。歌盛世，玉芙蓉，六王献寿夜游宫。仙厨御宴逍遥乐，沉醉东风叩九重。赏花灯，是石榴，水仙摇出地行舟。二龙交戏秋葵舞，争夺奇珠锦绣球。

歌盛世，凤凰台，瑶宫阆苑小蓬莱。恭贺圣朝家国庆，太师引领驾云来。
赏花灯，是绿荷，瑶池王母进仙桃。玉女宫衣飞御带，仙童珠履剪春罗。
歌盛世，菩萨蛮，华封三祝万年欢。普天同庆千秋寿，贡献如云快活三。
赏花灯，是芭蕉，八仙庆寿下凌霄。鹤髻星冠珠倒鬓，交梨火枣出瀛州。
歌盛世，人月圆，华夷祝嘏谒金门。玉液仙浆双劝酒，柏叶香凝豆叶黄。
赏花灯，是莲房，南极仙翁鹤顶红。海屋筹添松柏寿，龙楼凤阙祝长春。
歌盛世，虞美人，万国衣冠醉太平。锦衣香绕朝天笏，多少莺花集御林。
赏花灯，是水菱，麻姑进酒捧灵芝。炼得真丹勤子午，驻成颜色醉西施。
歌盛世，浣溪妙，六街士女胜如花。柳摇金线花簪玉，围绕红楼斗丽华。
赏花灯，是木兰，月季姮娥启广寒。玉兔臼中调芍药，羽衣一曲倚珠兰。
歌盛世，喜迁莺，兆民同乐锦渔灯。热闹樊楼春第一，羯鼓瑶琴乔合笙。
赏花灯，是辛夷，拌莲照水粉孩儿。玉琢脂装十样锦，戏牵竹马笑蔷薇。
歌盛世，打梧桐，金吾不禁夜行船。灯球捧出西江月，归朝欢庆八方同。
赏花灯，是杜鹃，凤仙送子祝祯祥。月结前星联耀彩，麟趾螽斯献瑞香。
歌盛世，女临江，斗舞霓裳斗艳妆。到处笙歌五韵美，新声奏出感皇恩。

细细赏观犹未尽，催鞍来访御灯楼。玉嵌金镶真富丽，穿丝织锦果繁华。
左手关防东厂监，提鞭带链锦衣军。右手巡查司礼监，悬刀挂剑羽林军。
两边玉柱龙翻水，火焰重重起赤霞。楼下彩棚千百架，映成五色庆祥云。
乐府笙箫翻妙技，莺歌燕舞和阳春。楼中大设华夷宴，天子承欢太上皇。
海外诸王都入席，朝堂文武俱沾恩。沿途花炮飞烟火，贯月穿星天地摇。
勒鞍穿出灯楼下，天街拥挤更多人。驷马鱼轩来又去，碾尽香尘笑语喧。
远远却闻音乐奏，都言社火已来临。女王引妹联鞍退，避入街檐用意观。
一派火光红绿舞，对对红灯凤烛辉。双卷绣旗书故事，渔樵耕读四民良。
瑶箏锦瑟声声奏，小鼓云锣面面敲。铁杆拥出渔家客，独驾轻舟把钓垂。
手内提瓶沽美酒，醉卧江湖意自怡。随后山间樵采客，山峦叠叠有丛林。

一束草薪挑在背，腰间荷斧挂麻鞋。樵夫过去家夫到，簑衣毡笠紧牵牛。
绿秧夹道丛丛绿，桔槔流水灌春田。落后攻出年少士，飘巾画扇对窗纱。
据案列开文具宝，一卷经书慢慢翻。四架彩棚灯火耀，锣鼓齐鸣细细吹。
和着娇音如滑玉，声声叶韵最分明。

渔樵耕读 调寄荡湖船

独荡波光泛五湖，垂钓寒江得脍鲈，隔水问樵夫暖暖呵。问樵夫，把酒沽。
酒肆前村有亦无，春色满皇都。

其二

夕阳红树拥层峦，伐尽丛林任往还，燕息白云间暖暖呵。白云间，烂柯山，
静看争棋意未阑，名利不如闲暖暖呵。

其三

毡笠簑衣不避炎，半耕犁雨足春田，儿女乐缠绵暖暖呵。乐缠绵，笑灯前。
优游原是小神仙，击壤诵丰年暖暖呵。

其四

囊萤映雪对窗纱，若读青灯月影斜，芳草夜鸣蛙暖暖呵。夜鸣蛙，笔生花，
驾得云梯折桂花，辅弼帝王家暖暖呵。

看罢四民欢乐业，又闻笙鼓闹天街。鲁国府中迎社火，双星驾鹊最新鲜。
队队旗幡分五色，引下天孙渡彩桥。乍停机杼慵膏沐，驾得祥云缓缓催。
那边牛渚星槎备，牛郎赴约过河来。鸾带星冠披绣袄，西云相并奏笙箫。
银河朗耀光如昼，弦索瑟瑟度纱音。细听新歌和雅韵，檀板轻敲字字柔。

双星渡鹊 调寄叠断桥

终日弄金梭暖暖呵，幽情织得多暖暖呵，斗转星黄夜漏如何暖暖呵。懒
修饰，停机罢杼银河暖暖呵，懒修饰，停机罢杼渡银河暖暖呵。

其二

青鸟报佳期暖暖呵，教人转觉悲暖暖呵，红豆空栽难寄与伊暖暖呵。问